

РУСКИ НОВИНИ

ЗА РУСКИНОХ У КРАЛЪОВИНИ СХС

Виходза раз у тижню.

Цена на цали рок 100 Динари.

На 1/2 рока 50 Динари.

За Америку 4 долари на рок

Рукописи и други писма треба
посилац на адресу:

„РУСКИ НОВИНИ“ НОВИ САД
Бојовићева улица број 2.

Претплату на РУСКЕ-НАРОДНЕ
ПРОСВИТНЕ ДРУЖТВО, РУСКИ
КРСТУР (Бачка).

Рок IV.

Нови Сад, пятък 23. децембар 1927.

Ч. 50 (157)

Борба коло порціох

Еден од главних источник державних приходах су порції. Нет держави, хоч ище як на нїзким степену, у котрей би ше не плацели порції. Же порції треба плаци о тим кажди шрешведчени и проци того нїхто ше не бунї. Але при порціях найважнейши два ствари. Порції нїгда не шму буц так велики, же их народ не може витримац и у плацаню порціох шицки граждана муша буц еднаки. А того баш при нас нет. Причина томе у тим, же у нашей держави ище нет одного порціового закона, котри би вредзел за цалу жем, але порції ше уплацаю по старих покраїнских законах. При тим найгорше преходза жителе тих країох, за котри вредза ище мадярски закони, а то су наша Войводина, Хорватска и Славония. Крем порціох на приход мушине плаци ище порцію и на суму кед ше шицки приходи поздаваю доведно а то ше вола доходарина. То значи заправо, же наш человек плаци двараз на исту ствар. Тота доходарина понайвещей така велька, же превишуе и саму вредност цалого маетку дотичного земледїлца. До найлєпше указуе смугни приклад зос валалом Бачки Петровац. Валал ма 8000 кат. ютра жеми, од

того штварцина под воду. Вредност жеми ошачована на 80 милиони дин. а тих днєох наруцели на валалем доходарини 80 милиони дин. Не лєпше преходза сигурно и нашо руски валали. Яке вец чудо, кед ше найвекше незадовольство з порціями явля при жительох Войводини. На концу и влада пришла до того, же би требало плацане порціох поставиц на други темель и принесц закон, котри би бул праведни и вязал шицких. У тим новим закону затримана „доходарина“. Медзитим проци „доходарини“, станули одлучно шицки посланици зос Сербии, бо, гваря вони, то биза Серию була нова до тераз непозната порція а вони то нешму допуциц. На тот способ влада була примушена „доходарину“ одстранїц зос нового порціового закону. Але тераз пришла друга брига. Понеже „доходарина“ представля вельки державни приход, котри ше нешме страциц, глєда ше тераз винайсц способ и драга, котра надомесци „доходарину“. И у тим борби коло порціох буду тирвац вецей часу. Хоч ше немож наздаван од нового порціового закону вельо полєгченя, ипак будзе задовольство у тим, же шицки граждана у шицких країох уплацаю еднак по своїх маеткових обставиных.

У нашом отечеству

Политическе положеніе

Главна чвжкосц у парламенту указуе ше зос вопросом порціового зикона а найбаржей о доходарини. Опозиция би сцєла да ше уж од 1. януара слїдующего року доходарина не пла-

ци а влада стої на становицу, же доходарину треба плациц але у вельо меньших вносєх. На терм ше и двоє посланици Шечеров и Вуич у парламенту побили. Радич и Прибичевич грожа ше, же напуца парламент и вецей не приду до ньго, кед ше не усвої їх предложєнїе, же вецей не будзе доходарини.

Аграрна жем у Баранї

По новим финансовим закону треба да ше у Баранї подзєли 2000 ютра жеми од спалиуку Белє. Пре то була тих днєох депутация Бараньох при министрови и модлєла, да ше им подзєлї обєцана жем.

Сам себе закопал

Недалєко од Београду при Дунаю нашли двоє рибаре ише фришки гроб, котри не бул довершени. Видзели пука трупу и у ней живого человека, котри зос єдну руку забгал на себе глїну да ше загребе. Одкопали го але человек ше на нїх гнївал, же му не даю умрец. Людє го одведли до єдней гостиници да шєз орєв, але вон од нїх сцєкол.

Велька жима и шнїг у цалєй жеми

У цалєй нашей держави западал шнїг а зос нїм пришла и тварда жима. На брегах Словєнии и Сербии шнїг по вецей метери високи. Пре то и железници не иду так як би требало але з вельким спознїньом, бо и локомотиви неможу ше пре вельку жиму довольно напонїц.

Прєслава 100 рочнїци Матици Сербскей

Познате сербске дружтво „Матица Сербска“ у Новим Саду прєслави слїдующего тижня 100 рочнїцу своєго основаня. Тото дружтво ма исти циль медзи Сербами, цо и нашо Рус. нар. просв. Друштво медзи Русинами. И вони почали по худобнє, але нашло ше медзи богатима и просвищенима Сербами вельо добротворох, котри розумели важност просвити и помогли тото дружтво. Нєшка „Матица Сербска“ богата и може видавац кнїжки и робїц за свой народ. Чом би и ми не пошлї их слїдом?

Спрєведал народ

Новосадски суд одсузлєл бувшого повтаруша зос Темерину

Бремича на 1 и пол рок цємнїци за то, же спрєведал народ же му вон зменша порцію, кед му заплаци. Так исто поккарали и тотї, котри Бремича послушали.

Шмерц у огню

У Земуну зохабєла єдна мац своїо два рочнє дцєцє. Кед ше поврацєла мала цо и видзїц. Єї мали хлапєц при пєцу мертви. До пєца хлапєц кладол папєри, а огонь залєлєл и хлапєца так згорєл.

Властителе завераю бїоскопи

Союз властительох шицких бїоскопєх у жеми одредзєл, же од 1 януара слїдующего року завру шицки бїоскопи бо ше им пре вельки порції не уплацаю.

За шєдзєне по полноци 10 дин.

На засиданїю люблянскей обєласти одредзєно, да кажда обєста, котра остане до кафанєх шєдзїц по полноци плати 10 дин за шєдзєнє.

Наша пожичка

Дасдни новини явєли, же министр финансиох Др. Маркович одпутовал до Францускей, же би достал державну пожичку од 200 милиони златних маркох на тот способ, же Француска одступи нам тоту суму од одчкодзєньох, котри Нємецка ма виплациц.

Замарзли чуваре железней драги

У Южней Сербии настала така жима яку людє уж давно не памєтаю. На железней драги гу Дєвдєлїи замарзли 17 чуваре и мушєли буц пренєшєни до шпиталу на лїченє. Штирєме од нїх на дражє умарли.

До рускей интелігенції и народу

Перша дзека и одушевлене, з котру зме приступили до основаня „Руских Новинок“ по малки нестатки И так малке число пишешминок и роботнінок не лем же ше не повежшало, але ше и зменьшало. Статї до новинок приходза вше ридше так, же у послїдніх часох кром двох-трох исгих сараднінок нікто не пише. Так далей не возможно!

Прето ше Р. Н. П. Д., як видатель и властитель Руских Новинок, вола на шицку нашу руску интелігенцію, и так и на ученших земледїлцях, да цо вецей доброго чтення пишу до Р. Новинок. Новини треба да буду глас цалого руского народу у Югославії, а не двох-трох людзох!

Да ше тота ствар цо успишнійше проведзе до животу, замодлюе Управительство Р. Н. П. Д. спеціально наших интелігентох священикох, учительох, званичничох, високошколцох и других приятельох народу, да ше дня 11. еденастого януара року 1928 на стреду по нашим Крачунам на 10 годз. зиду до Н. Саду и обявля ше на парохії,

дзе би ше догварели о дальших планах.

На тим собранию на ново би ше организовала, и подзелела работа зглядом наших новинок; утвездзел би ше и напрям, и дали би ше потребни пути сарадником.

Надалей замодлюю ше од страни Одбора Р. Н. П. Д. учтиво П. Д. Биндас, парох, Илия Крайцар, правник, и Мафтей Винаї, судия, да виробя напредок плантей організації, котри ше на схачки пречита, подискутуе и на основу того створа резолюції. Кед би од тих ч. п. п. даєден не могол превжац тот задаток — най би явел Одбору, да ше други замодлі.

У тих рефератох треба значиц о чим да пишу новини, яки други статї да буду, яки рубрики, становище гу политики и т. д., а найбаржей, да ше одредзи референтох за поєдини рубрики през цали рок.

Лем на добре организовани способ годци зме далей наставиц нашу роботу зос векшим успехом на културним и вирским полю. Руски Керестур, 2. XII. 1927. р.

Председатель
Мих. Мудри

ШИРОМ ШВЕТА

Русия ше не бої

Большевицки вожд Сталин виявел неданно у своєй бешедї, же Русия тераз ма 1521 нових аеропланох, за 8 мешацї будзе их мац 3000. О пол року уж будзе 7000 крилатицох за путнікох. Тота воздухова флота цалком довольна, же ше Русия може обраїц од каждого неприятеля, котри би нападнул на ню. Крем того Русия уж тельо фабриковала отровних газох, же тота держава котра би нападла на Русию будзе уништена за 12 години.

Нови малярски примас

За архієпископа примаса у Малярскей именовали Др. Юстин Шереди. Вон походзи зос славянско-словацких родительох, котрим презвико Сапучек. У шестей класї гимназії одрек ше своєго славянского мена Сапучек и вжал малярске мена Шереди. Його мац и тераз ище жїв у Словацкей а не зна ни слово по малярски.

Не церпя Жидох у Румунії

У румунских варошох Варяду и Коложнгару пришло до вельких погромох против Жидох. Школяре високих школох, котри там мали собранія навалели на жидовски тарговини и оплячкали их. Рахуе ше, же жидзи прецрпели чкоду, котра виношуе пол милїярди леї.

Любов гу священикови

Прешлого тижня генерал у варошу Кошице (Ческа) приправел вечеру и звоал шицку интелігенцію Медзи німа и адвоката дра Полака. Але адвокат бул вельки прїятель местного пароха и поштователь священнического званїя, та нещел пойсц без священника на вечеру. Пошли вец водно и адвокат и священник. На 8 годз. вечар пришло адвокату цошкаль недобре. Ту дораз були и найлепши дохторе, да му поможу. Адвокат нікого нещел лем священника. Висповедал ше

и о 15 минути на рукох своєго прїятеля умар. Так Господ наплацел його любов до священїкох.

Велька колера у Бенгалії (Азії)

У послїдніх тижньох появела ше у восточних крайох Индії колера, котра ше барз шири. У єдним лемтижню похорело ше 4000 особи а од тих умарли 2150.

Кривовирія у Румунії

Медзи православними Румунїями, котри су досц не просвищени шири ше вшелїяки инши вири а найбаржей Суботичаре и Баптисти. Суботичарох помагаю руски комунисти а Баптистох Американски баптисти, котри на свою пропаганду троша рочне 4 милиони долари. А православници место да ше боря проти тим сектом, вони ше задзераю до наших греко-католикох.

Заробок Линдберга

Познати крилатичар Линдберг, котри перши прелетел а-

тлантичскїм Океан виявел, же на крилатици препутовал 3000 милї. За свою кїїжку и за новински статї, котри написал достал 200 тисячи долари. А тог заробок довольно вельки; же би далей могол мирно жиц.

Найвекша подводна ладя

Тих дньох спушена у Америку до моря найвекша на швецїе подводна ладя. До ней ше месци 30 особи а идзе з вельку швидкосу.

Варош патканьох

У Англії була тей ешенї велька поплава при варошу Едмонтон. Пред воду поуцекали паткане з польох и лесох до самого варошу, а било их тельо вельо, же людзе не могли преходзиц по улїцох и од нїх ше обраїц. Мушели их уништожавац зос отровними газами и на вагони вивожавац. Борба зос тима нечистима створинїями ище вше тирва, бо ше вони уагли до пишвицох и до хижох.

Зос наших валалох

Дюрдьов

ВАЛАЛСКИ ОДБОР. — ПЕРШИ РУСКИ ПОДБИРОВ

Як цо уж явене у наших новинок при остатнїх валалских виберанкох добил векшину „граждански блок“, у хторим и Руснаци з векшей часци були заступени. Према тому резултату у онштинске представништво уходзи 16 Руснацох, цо єще до тераз нігда не було. Зос тима виберанками дакле Русини указали свою силу и организаторну моц, цо ше лем може похвалїц, та з тим резултатом можеме буц цалком задовольни.

Але, цо єще найважнейше и цо ше муши зазначїц як вельки успех наших Русинох у Дюрдьове єст то, же Русини при тих виберанкох тераз по перши раз од кеди су у Дюрдьове виберали своєго подбирова и так нашо людзе, хтори ше лем пред 30 роками ту населели завжали и тогу важну позицію. То указуе, же наш народ и у тим валале моцним и одлучним крочаєм ступа напред гу своєй лепшей будуцносци. За першого подбирова вибрани єдногласно на опществену радосц цалого валала Денчи Надьпопов, хтори на 12. децембра од среского началника и уведзени до званїя. Хоч Денчи Надьпопов єще млади человек ипак заслужел, же му народ указал

тоту першу чест, бо прешведчени, же вон будзе заступац того место достойно и на хасен своєго руского народу. По при нїм Руснаци достали єще и двох ешкутох и то Янка Плантачак и Михала Хромиш. Народ радосни и пишни на тоти вельки успихи, бо єст випатрунку и на то, кед ше и на далей в єдно потримаю, же єще себе векши права виборя: уж такої по своїм числу маю Руснаци добиц и своїх лицацох, щетнікох и писарох. Але по при тим найважнейше и то, же Руснаци тоти своє права виборели у слоги и согласїю зос брацами Сербами так, же ту не було уквильованя з єдней лебо з другей страни, и же ше стара любов медзи тима двома народносцами не порушела.

Ми од своєй страни винчуеме Дюрдьовчаном на тих успихох и радуеме ше их фришкому напредованю та их опоминаме, да ше и на далей тримаю зложно, бо лем так годни своє права вибориц, бо зос слогу ше шицко збудуе а без слоги ше и то, цо уж збудоване уништожи. Младому бировови и новим валалцом жадаме вельо успиху за народни добра.

Руски Керестур

† ИРИНА РАЦ

Дня 16. XII. благо у Господу упокоєла ше сунруга

Осифа Раца, Ирина Сабодош у 27. р. життя свогого. — Вредна млада жена була добра помоц свойому усиловному и агилному наредному Русинови, товаришови Осифови, але, ето, по дугим насованю зламала ей не умо-

ліва ефтика млади конар жизни. Свою дугу хороту барз цернезліво у божим упованю подношела и по приятію Св. Тайнох прудала свою младу душу свойому Створителю. Охабя за собу два широтки

Вичнай ей памят!

Допис

Собраніе гр. кат владикох у Львови

Уж ше доси давно погвархало медзи священством, а и шветовну интеллигенцію, же би не подло було, кед би ше раз зишли шицки нашо найвиши представникове грекокатолицкого обряду. Мушело ше патриц, же би ше надвладали шицки чехкосци, бо важни ствари, пре котри було нужно спорозумене шицких епископих нашого обряду. А зоз того и виходзели найвещей чехкосци. Та треба думац нато, же нас грекокатоликох, гоч нас нет так барз вельо, ест барз на далеко. Крем того грекокатолики не лем ми Русини и Хорвати у СХС, але ест попри найвекшей часци Украинцох цо припадаю Польскей, и у Булгаріи и у Румунскей вец у Канади а и у Америкских зєдинєних державах.

Тоти чехкосци, цо завадзали сход епископих зладани. На 29 новембра Його Високопреосвященство Кир Андрей Шептицький — львовски митрополит привитал своїх госпох, цо пришли на собор, — осем владикох и двох генералних викарох.

Привит бул у львовскей катедралки — у церкви св. Юрия — на шейсц годзин вечар. На пейсц годзин уж була церква полна, а пред дзверми и около церкви ше крупело вельке множество народа, же би увеличало дочек високих госпох. Од дзверох палати митрополитскей аж по дзвери церкви направели людзе шпалір и кажде тримало запалєну швичку у рукох.

Перши прешол през шпалір найвисши священник нашого обряду сам Преосвященни Митрополит зос свою асистенцію и станул на церковних дзверох. На тим месце привитовал каждего владика и заступника владикох, цо не могли сами присц. А преходзел коло нього кажде зоз свою асистенцію и вон каждего привитовал з братским поцилунком. За тим здравкал каждому дякон; „Да благословит тя Господ од Сиона...“ Одталь ишол кажде уздлуж церкви помедзи два шори священников у ризох пообляканих аж до олтаря.

Першого прициснул Архиепископ на свойо отцовски перши — Високопреп. о. Осифа Ганула, ген. викара з Америки. За ним пришол генерални викар львовски високопреп. о. Александар Бачински вец наймладши грекокат, владика преосвященни Павел Гойдич — владика зоз Пряшова з Чехословенскей републики. Здоганял вон апост. администратор грекокатоликох у Булгаріи —

преосв. Кирил Куртев. За ним ишол преосв. Петро Гебей епископ з Ужгорода, вец епископ америкских Русинох, преосв. священ. Василий Такач. По ним приходзел украински владика з Перемишлю преосв. Йосафат Коциловский, а за ним наш преосв. священ. владика Дионизий. Потим предостатнього привитал Архиепископ преосв. Никиту Будку — епископа Русинох-Украинцох Канади, а остатнього владика станиславовского Григория Хомишина.

Кед уж попреходзела шицки зоз свою асистенцію — зоз штераец — штирома богословами — приключел ше им и преосв. Митрополит. Вон започал з олтаря Молебєн, цо баш спеціально за тоту нагоду зложени, а не мож го достац бо лєм барз мало го друковали; праве кельо самим владиком требало.

У тим Молебєну мал кажде владика єдну часц шпивац, на котру одповедал шпивацки хор богословох з львовского семинару. Волали ше у ним нашо преосв. архирее на Святого Духа, же би им благословел роботу, пре котру ше зишли.

А церква суццала шицка од множества людзох цо ше складали у молитви зоз своїма надпастирима. Ша хто би и не дзвигнул свою душу з каждодзєних бригох до престола своего Вичного Отца, кед видзи пред собу Його священікох зложєних у цеплеї молитви! Хто не осети у себе високе чувство, кед видзи виход слунка у найкрасших фарбох, и кому придзе при тим гадка надїи на красши живот? Невинповедливи чувства, цо их человек чувствує у першох, кед видзи пред собу єдного пастира, цо достал свою власц од самого Господа Иисуса Христа, у цалей величезней краси Його ризох! А ту бул не єден, але шицки представники Славянох-грекокатоликох!

Уверени сом, же — крем Жидох, цо ше нацискали до церкви — не було медзи тима єзрама людзох лєм (барз мало цо не шпивали ведно „Царю небєсний...“

Кед ше звершел Молебєн шпивал шпивацки хор богословох єще многолітєвє насам предз Його Святишєству Папи Пийови XI. и вец шором каждому архирейови, котри бул присутни; а тиж и ген. викаром, цо заступали своїх владикох. И заш ше врацели шицки архирее, док хор шпивал „Многая літа“, истим порядком як цо пришли, до палати преосвященного Митрополита. Шпаліри були заш таки як и на початку: у церкви священство у ризох, а од церкви по палату людзе зоз запалєними швичками. Окрипени Святим Ду-

хом вичши архирее, же би идуци дзєнь започац роботу — свойо конференції.

Далєй ше зна тельо, же ше мало выбрац три секції: юриличну (правну) литургичну (обрядову) а практично пасторалну, же би ше олегчало конференциє.

1. XII. вечар на шейсц годзин обрадовали преосвященни Владикове львовски богословски семинар, бо пришли крем двох на академію, котру им богослове за привит зоз своей страни приготєвали. Програм бул спеціально за тоту нагоду зложєни. Привитну бєшеду мал

сам Високопреподобни п. и Ректор богосл. семинару Булі. и два барз красни декламаци, цо их сами богослове зато зложєли Помєдзи тима трома точками шпивал богословски хор шумни композиції од Буртнянского и Бєтовєна. Цала тота академія була живи одраз сердєчного привиту високим госпом архиреем преплєциєна з надїю о лєпшей будучности за зєдинєнє, котрей нови моцни ослон истории зазначєла, кед записала до своей грубєй книжки собор шицких славянских грекокат епископих.

Далєй будзе.

Число 16 зап. 1927.

КОНКУРС

Грекокатолицки церковни одбор у мену Грекокат, церковного общєства у Руским Керестуре по наредзєню Дух. Стола од 14. XII ч. 2227/1927. росписує на випражнєтє зос шмерну пана Георгия Манойлова у Руским Керестуре место главного дзняка

Конкурс до 31. януара 1928. року.

I. КОНКУРИРАЦ МОЖУ:

1. дипломирани пивцоучитєлє и дипл. кантори, котри розумя и ноталнє шпивану так, же (буду) годни на хармоніюму поучовац у шпиваню и других и провадзиц церковни хор. Сами муша знац церковнє простопиниє и точно шпинац по котох.

2. Конкурєнт муши буц человек Богобойни и Непорочни, котри совистно окончує свойо християнски длужносци и котри зос своїм фамилярним животом дава шицким парохияном добри приклад як у церкви, так и у парохіи;

конкурєнт муши буц приправни, да зос священниками участвує у роботох при шицких християнских и просвитних организациях

II. ПЛАЦА.

Главни дзьяк ужива:

1. квартал зос припадаюцу порту, заграду и газдовским будинками;

2. 14. кат. ютра церковней жеми;

3. Руковину по єден корєц жита од двох трєцинох хижних нумєрох, котри маю вєцєй од три кат. ютра жеми. Од преосталих хижних нумєрох ужива по пол корца жита. Трєца трєцина плаци поддзьяку жито на єднаки начин.

4. Главни дзьяк добива по Ординарияту одредзєну штолу.

III. ДЛУЖНОСЦИ.

1. Главни дзьяк ма водзиц прави крилос при шицких богослужєнийох недзєльных, празничних и каждодзєвних так порядочних як и чрезвичайних према одредзєню церковней власци. Исто в длужєн окончувац дзьяцки служби при подзєльованю св. Тайнох и при шицких святых церковних чинох.

2. Вон ше ма старац, да чим скорєй запровадєи у парохіи шпивацки хор за церковнє и швичкє шпиванє шицко у порозуменю зос О. Парохом, односно Його заступніком.

3. Його длужносц, да с подзьяком у порозуменю зос О. катихетом поучує дзєци основних и повторительних школах у церковним простопинию.

4. Вон ше ма старац, да вше буду по двоє избрани крилошчанє на обидвох крилосох и вон ма право видавац таким крилошчаном свидоцтва о успиху, кед престаню буц крилошчанє.

5. Главного дзьяка будзе длужносц отримовац курси пре дзьякох на меньших валалох, котри му буду длужни труд правєдно наградиц.

6. Преко школских вакацийох будзе мац длужносц поучовац учєнікох и учєнци стредних школах у церковним шпиваню-простопинию.

7. Главни дзьяк муши ше сам точно тримац при богослужєню церковного Типика и одредбох церковней власци, а исто так муши мерковац, да то коньчи и Його помочник.

IV. Молби обложєни зос шицким потребним докумєнтами маю ше придац до 31 януара 1928. Грекокат. Церковном Одбору у Руским Керестуре. Дня 2 фебруара 1928. Церковни Одбор ма послац шицки молби на Ординарият преко Парохияльного Уряду зос своїм тройним добре образложєним предлогодом.

Ординарият, кед будзе тримац за нужнє, повола дзєповєдних конкурєнтох до Крижовцох, да ше ошведочи о их знаню и гласу.

Михаил Мудри

парох и председатель Церк. Одбору.

Дзешец заповиди календарских

1. Я сом едины РУСКИ КАЛЕНДАР на 1928 рок, да не маш других календарох крем мне.
2. Не купуй цудзи календари лем РУСКИ.
3. Паметай, же би читал лем РУСКИ КАЛЕНДАР.
4. Попштуй РУСКИ КАЛЕНДАР, бо зос нього ше шицкоме доброе научини и добре ци будзе.
5. Не подри РУСКИ КАЛЕНДАР, але го чувай.
6. Не патри инши календари КРЕМ РУСКОГО.
7. Не кради ани не позичай од другого РУСКИ КАЛЕНДАР, але го сам купи.
8. Не огваряй РУСКИ КАЛЕНДАР.
9. Не пожадай сунедов календар, але ше старай да маш свойого.
10. Не пожадай пияких инших календарох, котри дахто предава, але директно бештелуй РУСКИ КАЛЕНДАР од Провитного Дружтва у Р. Керестуре або го купи на твоей парохии за цену 15 дин.

Весели куцик

КАЖДОМЕ ЙОГО

Управитель едней цемници дзелел каждому каженикови роботу. Унита ше едного. Цо ви були скорей як сие пришли ту? — Грал сом на бругох. — Но вец будзеце пилиц древо у дворе!

ПОТРАФЕЛ

Послал приятель приятельови зос слугу Митром три печени зайци и писмо. Митро огладнел и поед едного зайца. Гевтот други приятель чита писмо и гвари: Митро, ти принес два

зайци. Хей, два зайци. Але ту пише три зайци! — Хей три зайци — а ту лем два! Хей два зайци! Але, чловеце, приятель ми послал три зайци. Па вст, три зайци. — Ида дурак, з тебе не мож бешедовац. Шедне и напише приятельови одвит. Митро ше враци назад ту газлови. — Чловеце, цо ту пише? Же ти принес лем два зайци. — Па хей, два зайци! але я тебе дал три зайци — Хей, три зайци! Вец ти трецого поед. — Живили, пане, ви дораз потрафели, а гевтот ше тельо трапел а пияк да потрафи.

Шветочни отпочивок

Недзеля Праотец

ЛУК. ГЛ. 14. ЗАЧ. 76.

Рече Господь притчу сию Человѣкъ нѣкій сотвори вечерю велию, и зва многи: И посла раба своего въ годъ вечера реци званымъ грядите, яко уже готова суть вся. И начаша вкупѣ отрицатися вси. Первый рече ему: село купихъ, и имамъ нужду изыти и видѣти е: молютися, имѣй мя отречена. И другій рече: супругъ волонныхъ купихъ пять, и гряду искусити ихъ: молю тя имѣй мя отречена. И другій ре-

че: жену пояхъ и сего ради не могу прійти. И пришедъ рабъ той повѣда Господину своему сѣя. Тогда разгнѣався дому владика, рече рабу своему: изыди скоро на распутѣя, и стогни града, и нищья, и бѣдныя, и слѣпныя, и хромыя введи сѣмо. И рече рабъ: Господи, бысть якоже повелѣ, и еще мѣсто есть. И рече Господинъ къ рабу: изыди на пути, и халуги. и убѣди внити: да наполнится домъ мой. Глаголю бо вамъ: яко ни единый мужей тѣхъ званыхъ вкуситъ моя ве-

чери. Мнози бо суть звани, мало же избранныхъ.

Кажди хто сие уживац вечеру велию на гевтим швене, у царству Бога Оца, муши смак тей вечери покытовац перше на тим швене. Вечера велия на тим швене приготвена е шицким людом у Тайней Вечери на желени шварток. То е жертва нового Закона, пресв. Евхаристия, св. Причасц, котру Исус дораз на початку своего научованя торжественно обецаи роду человеческому, як зме у остатним числу толковали.

Пришел час вельки Желеного Швартку. Исус зобрал своих ученикох до першого християнского храма — бо там ше перши раз мала Служба Божя отслужил —, и там ше отпировал од них, бо напредок патрел, цо го наутро чека: Криж — Голгофта! — На погляд дакле своих горких мукох, не патрати на людску злосц, у предвечерие своей шмерни бере до своих св. рукох хлеб, благодарю Осу своейму и виповеда божии слова: Сие вст тѣло мое, а вецка бере чашу до рукох и гутори: „Сие вст кров моя новаго закону.“ А да ше тот святи вельки чин може обновляц до конца швета, такой пошвецует апостолах за священникох и, дава им власт, да и вони то твоя: „Сие творите на мов воспоминание. Ево, так ясно, так отворено, так строго бешедуе Исус, же ту не мож викруцовац божее слово. Исус нам дава самого себе: свое божество и своео человечество под видами хлеба и вина за храну и за жертву. То роби Исус пред саму свою шмерц, и несце да апостолах до блудни заведзе. Апостоли так поимали слова Исусова, як им Исус наказал. Вони верели, же ше под видами хлеба и вина находзи сам Исус. То ше потвердзуе у Дѣянию Апостолским, а то потвердзуе ясно и апост. Павло. Так верели од початку шицки християне и служели службу божу у тей вири. Св. отци од початку вельо научовали о тей Велькей Тайни. Так и, п. Игнатий Антиохийски, Св. Киприан, а особенно Св. Иоан Златоусти, котрого презвали Научителем Евхаристии. „Кед примзие св. Причасц, теди ше з устами дотикае божанского и пречистого небра Исусового“, гутори исти Святитель

Совокуплена Церква Христова на Тридентским собору руцела на тих, цо не веря, же у Пресв. Евхарист находзи сам Исус невидимим способом анатему! Проклятво.

Од своего початку и постанку живе Церква Христова до нѣшка у тей вири, же ма при себе своего Спасителя у св. Евхаристии.

Ту олтаву ше зберали громади християнох у катакомбах, за време прогоненийох, за време шлѣбоди, будовали ше Христу Царю величанствени Храми божии хтори су и оставао на вики украшением швета. До християнских црквиох едглаго ше шицка людска уметност, художество, малярство, сликарство, резбарство, музика, бешед, наука шицко цо найкраще на

швене. А вецо? Пре Христа Господа, котри остал з нами у кивоту Н. Завиту.

Кед би то не було правда, теди би зме могли повесц, же зме сприведзени од самого Христа. А, то розумни человек ани подумац не годзен. Кед ше дакле найлѣпша часц роду человеческого клая Исусу и пресв. Евхаристии веруючи Його слову, теди то муши буц правда, па прето време и ми кланяме ше Исусу дзень и поц у духу и истину.

М. Мудри.

Нашо претплатници

На 1927. рок обновели предплату слѣдуоци п. п. Андри Планчак, Коцур 100 дин. Штефан Балнт, Р. Керестур и за 1928. 200 дин. Янко Гарди Вереш, Петровци, 100 дин. Янко Арва, Дюрдьов 50 дин. Онуфрий Вадаски, Коцур 50 д. Миханл Канюх, Шид 50 дин. Владимир Майхер, Пишкоревци 100 дин. Габор Торма, Шид 100 дин. Ферко Дудаш, Р. Керестур 100 д. Яким Пашо, ковач, 100 д. Денчи Надьпопов, Дюрдьов 100 дин. Мирон Олар, Коцур 100 дин. Яков Олар, Коцур 50 дин. Юлиан Олар, Коцур 50 дин. Денчи Магоч 100 дин. Габор Шугайда, Р. Керестур 100 дин. Дюра Джуња на 1928 р. 50 дин. Денчи Джуња Раево Село на 1927 р. 50 дин. Петро Еделински, Пишкуревци 100 дин. Митро Надь, крояч Петровци 100 дин. Сима Молдруги, Коцур 100 дин. Општ. Полит, Коцур 100 дин. Янко Шаламун, Дюрдьов 100 дин. Янко Рамач, Дюрдьов 100 д. Михал Горняк, Дюрдьов 50 дин. Андри Киш, Дюрдьов 100 д. Марко Сабов, Дюрдьов 50 дин. Михар Олар, Дюрдьов 50 дин. Осиф Рац, Р. Керестур 100 дин. Осиф Гарди, Коцур 100 дин. О. Н. Сегеди, парох Радатович 100 дин. за 1928 Мих. Романчо, Р. Керестур.

Тарговица

Жито	Дин.	302—305.—
Кркурица	„	226—227.50
Ярец	„	245—250.—
Раж	„	290—295.—
Овес	„	242—245.—
Мука 0	„	425—437.—
Мука 2	Дин.	405—515.—
Мука 5	„	385—395.—
Мука 6	„	360—370.—
Отруби	„	180—185.—
Пауля	„	360—370.—

ЧИТАЙЦЕ

„РУСКИ НОВИНИ“